

四庫全書

子部

欽定四庫全書

全芳備祖後集卷十

宋 陳景沂 撰

卉部

草

事實祖

碎錄

卉草也草謂之華木謂之榮不榮而實者謂之秀榮而

不實者謂之英

爾雅

天地變化草木蕃

易坤卦

兗州厥草惟

繇徐州草木漸苞楊州厥草惟夭

書禹貢

庶草繁蕪

洪範

圃毓草木

周禮太宰

孟春草木萌動季秋草木黃落

禮記月令

為

國家者去惡如農夫之務去草焉芟夷蘊崇之絕其本

根無使滋蔓蔓難圖也一薰一蕕十年尚猶有臭

並左傳

紀要

神農始嘗百草一日七十毒

淮南子

黃帝問師曠曰吾欲

知苦惡可知乎對曰歲欲豐甘草先生甘草薺也歲欲

苦苦草先生苦草葶也歲欲惡惡草先生惡草水藻

也歲欲旱旱草先生旱草蒺藜也歲欲疫疾病草先生

疾病草艾也

博物志

黃帝問天姥曰天地所生豈有食之

令人不死者乎天姥曰太陽之草名曰黃精餌之可以

長生太陰之草名曰鈎吻不可食食之入口立死人

同上

堯土階三等有草生庭名曰蓂莢草十五日以前生一

葉十五日以後落一葉若月小盡則一葉厭而不落

通志

堯時有屈軼草佞人入朝則屈而指之又名指佞草

同上

魯曲阜孔子塋中不生刺人草世家秦時大宛中多枉死

者橫道有鳥如烏銜草以覆死人而遂活鬼谷先生曰

此草瀛洲不死草也生瓊田中亦名曰養神芝廣志東方

朔曰臣種有吉雲草種于光景山中一千歲一花臣種

一千九百九十九年矣明年應生臣是往刈之以飼馬

馬食不飢帝許之朔平旦而去至暮而返背負數束其

葉似麥而金色剉以飼馬即不覺飢洞冥記漢王昭君嫁

單于服毒死葬之胡中胡地草白而此塚草獨青因謂

青塚

漢書

不其城東有鄭玄教授山山下生草如薤葉土

人名作康成書帶草

三齊要記

漢元帝永光二年天雨草葉

相糾結如彈丸

史

靈帝中平元年東郡陳留濟陽長恒

濟陰諸縣界有草生莖其大如指狀似龍蛇鳥獸之形

五色各如其物毛羽頭皆具

漢書

魏興錫義山多生薇蘅

草其草有風搖

水經

謝靈運思詩不就忽夢弟惠連即得

池塘生春草之句人以為工

史

符堅至壽春與苻融登

城而望王師見部陣整肅八公山草木皆以為晉兵顧

謂融曰此亦勁敵頗有懼色史定昌美無文字但候草

榮枯以記歲時

後國書

有園客者濟陰人嘗植五色香草

積十年採其實一日有五色蛾止其傍客收而蓄之至

蠶時有女夜半至自稱客妻道蠶之事客與俱蠶得一

百二十頭繭皆如甕

太平廣記

午橋莊小兒坡茂草盈里晉

公每使數羣羊散于坡上曰芳草多情賴此粧點

窮幽記

周茂叔窻前草不除去云與自家意思一般

語錄

雜著

何所獨無芳草兮爾何懷乎故宇 畦留夷與揭車兮雜

杜衡與芳芷 既替余以蕙纒兮又申之以攬茝 蘭

芷變而不芳兮荃蕙化而為茅 覽椒蘭其若茲兮又

況揭車與江離 采薜荔兮水中 采芳洲之杜若將

以遺乎下女 若有人兮山之阿被薜荔兮帶女蘿

被若蘭兮帶杜衡折芳馨兮遺所思 何昔日之芳草

兮今直為此蕭艾也 春草生兮淒淒王孫遊兮不歸

並楚辭 春草碧色春水綠波送君南浦傷如之何 別芳草賦

被隄

西都賦

賦詠祖

五言散句

芳草換野色

古詩

光風草際浮

選

嚴霜彫翠草

選

青青河畔草

古詩

東風搖百草

春草秋更綠

謝眺

疾風知勁草

唐太宗

無名江上草

杜甫

春風百草生

秋露滴草根

草見踏青心

杜甫

江白草纖纖

碧委牆隅草

碧知河外草

忘機對芳草

百草競春華

春草隨青袍

汀草亂青袍

相期拾瑤草

燕草如碧絲

池草晴生香

李白

露排四岼草

韓文公

平野春草綠

柳宗元

陰草濕翠羽

秋草含綠滋

張景陽

草色入簾青

禹錫

春草如有意羅生玉堂陰

選

驛邊沙舊白湖外草新青

杜甫

年深荒徑在老恐失柴扉

七言散句

獨尋春草上荒臺

薛能

獨憐幽草澗邊生

韋應物

綠楊如線草鋪茵

丁晉公

映階碧草自春色

杜甫

煙迷碧草淒淒長

杜甫

翠岼斜鋪翡翠裀

樂天

草深閒院蟲相語

放翁

不似淒淒南浦見晚來煙雨半相和

羅隱

欲識王孫多少恨正和煙雨滿庭臺

韓文公

館娃宮外姑蘇臺鬱鬱芊芊撥不開

若共吳王鬪百草不如應是欠西施

禹錫

庭下已生書帶草使君原是鄭康成

東坡

暗淡江村春日斜汀洲芳草野田花

落花遇雨埽不去敗草經春剗又生

趙竹

五言古詩

終朝採草榮日暮不盈抱採之欲貽誰所思在遠道
綠蘿紛歲蕤繚繞松柏枝草木有所托歲寒尚不移

白露下百草蕭蕭共憔悴青青四墻下已復生滿地

公文

芳草復芳草斷腸還斷腸自然堪下泪何必更斜陽

杜牧

之

童子惡其蕃為我盡掃除不憚再三撷愛之不能鋤人
生羣動中一氣本不殊奈何欲自私不使安其軀況我
麋鹿性得此亦可娛延蔓藩籬間若在田野居

張文潛

五言絕句

離離原上草一歲一枯榮野火燒不盡春風吹又生
山中相送罷日暮掩柴扉春草年年綠王孫歸不歸
君王不可見芳草舊宮春猶帶羅裙色青青向楚人

樂天 王維 劉長

御

芳草知誰種綠苔已數叢無心與時競何苦綠匆匆

王介

甫

塞北鴈初回江南客未歸萋萋堪恨處煙靄又斜暉

五言八句

楚草經寒碧庭春入眼濃舊低收葉舉新掩卷芽重步

履宜輕過開筵得屢供看花隨節序不敢強為容

杜甫

漠漠更離離閒吟笑復悲六朝爭戰處十載寂寥時陣

濶團空壘叢疎露斷碑不堪殘照外牧笛隔煙吹

僧希盡

苒苒非春意秋原綠更新空隨白雲暮重起廢城春紫

塞有來鴈洞庭無主人王孫歸未得愁斷夕陽塵

張翥

草木起寒色望來秋更清舟橫遙夜月風度隔城更避

俗心雖在休官疏未行空慚舊吟侶有句續唐聲

賈似道

五言排律

將課司天厯先觀近砌堦一旬開應月三日數從星桂
滿叢初合蟾虧影漸零辨時長有素馭閨或餘青墜葉
推前事新茅簷未形堯天始今歲方欲瑞千齡

七言古詩

憶春草處處多情洛陽道金谷園中見日遲銅駝陌上
迎風蚤河南大尹頻出難只得池塘千步看府門閉後
滿街月幾處遊人草頭歇館娃宮外姑蘇臺鬱鬱芊芊
撥不開無風自偃君知否西子裙裾曾拂來

禹錫

勿去草草無惡若此世俗俗浮薄君不見長安公卿家
公卿盛時客如麻公卿去後門無車又不見千里萬里
江湖濱觸目悽悽無故人惟有芳草隨車輪一朝返故

居門前草先除草于主人實無負主人於草宜何如勿
去草草無惡若此世俗俗浮薄

王文公

七言絕句

花落江隄簇暖煙雨餘江色遠相連香輪莫碾青青破
留與遊人一醉眠

清江碧草兩悠悠各自風流一種愁正是落花寒食雨

夜深無伴倚空樓

韓偓

砌下芝蘭新滿徑門前桃李舊垂陰却應回念江邊草

放出春煙一寸心

韋應物

芳草著煙暖更青
間門要路一時生
年年點檢人間事

惟有春風不順情

春草綿綿不可名
水邊原上亂抽榮
似嫌車馬繁華處

纔入城門便不生

劉原父

春盡江南茂草深
遶池紫樹碧岑岑
長安客舍孤根地

一寸幽芳萬里心

晏殊

山無人跡草長青
異彩奇香不識名
只是苔華蕪蘚葉

也無半點俗塵生

誠齋

霜前亂碧未全枯
霜後紛黃却又蘇
偷吃瑤臺青女粉
都生瓊髮與銀鬚

年年春色屬垂楊
金撚千絲翠萬行
今歲早芽先得引
攬他濃翠奪他黃

楚甸秦原一望平
誰教根向路傍生
輕蹄繡轂長相踏
合是榮時不得榮

徐寬

七言八句

漸覺東皇意思勻陳根初動夜來新忽驚平地有輕綠
已見六街無舊塵莫為榮枯吟野草且憐愁醉柅香輪
詩人空怨王孫遠極目萋萋又一春

程明道

淡烟荒草六朝宮萬歲叢生一眺中不識羣公互虓虎
獨于此地必爭熊秦河濺淚西風泣淮嶽含羞晚照紅
醞得許多愁為底祇緣悞倚大江東

江淮肥遯
子四首

未破滁陽亭屢易亭亡今又幾經年峯回路轉勢不改
木秀陰繁直到巔流下山泉青若咽曉餘寺剝塊如拳

柴王一殿今何在衰草殘煙護曉娟

江城滕閣倚空寒鶴勢騫飛遠耐看旁到西山青玉案
高擎南浦白銀盤摩娑王記猶無恙拂拭韓碑尚未刊
翻憶賞心亭下水草洲埋沒貯愁酸

長淮何處鴈聲多西去渦心北邁河影逐泗濱煙月艇
陣驚毫邑水雲簑小王草筆終難學蘇武陵書果若何
陸草遶蘆兩蕭索遠陪砌女作離歌

七言律詩散聯

裊如垂綫軟如茵古渡蒙茸映燒痕解憾有情迷霧雨
恣生閒地雜蘭蓀綠鋪春色圍荒寺遠襯斜陽接釣村
波翻別浦情無盡日下重樓望欲迷獨鳥自飛煙漠漠
行人不駐雨淒淒王孫何事征鞍晚蘭澤空閒杜宇啼

王岐
公

樂府祖

踏青遊

改火初晴綠偏禁池芳草鬪錦繡大堤馳道踏青遊拾

翠惜襪羅弓小蓮步裊腰肢佩蘭輕妙
行過小林春好今困天涯何限舊情相惱
念搖落玉京寒早任劉郎目斷蓬山難到
仙夢杳良宵又過了樓臺萬家清曉

東坡

鵲橋仙

多情應解留連春意滿地紫花惹絮
王孫何在不歸來又偏滿閑門要路
咸陽原上姑蘇臺下腸斷碧雲綠
浦迢迢歸思踏春時想冷落池塘烟雨

晁无
咎

點絳脣

金谷年年亂生春草誰為主餘花落處滿地煙和雨

又是離歌一闋長亭暮王孫去萋萋無數南北東西路

林君
復

鳳簫吟

鎖離愁連綿無際來時陌上初薰繡幃人念遠暗垂珠
淚泣送征輪長亭長在眼更重重遠水孤村但望極樓
高盡日目斷王孫消魂池塘別後曾行處綠妬輕裙恁
時攜素手亂花飛絮裏緩步香裯朱顏空自改向年年

芳意長新徧綠野嬉遊醉眼莫負青春

韓玉汝

八聲甘州慢

漸鶯聲近也探年芳河畔輾輕輪旋東風染線綿綿平
楚無際烟春最苦夕陽天外愁損倚闌人無奈瀟湘杳
留滯王孫冷落池塘殘夢自送君歸後南浦消魂賴
東君能容醉卧展香裯儘教更行人行人遠也相伴連
水復連雲關山道筭無今古客恨長新

鄭子玉

春草碧

又隨芳渚坐看翠霽連空愁徧征路東風裏誰望斷西
塞恨迷南浦天涯地角意不盡消沈萬古曾是送別長
亭下細綠暗煙雨何處亂紅鋪繡茵有醉眠蕩子拾
翠遊女王孫遠柳外共殘照斷雲無語池塘夢生謝公
後還能繼否獨上畫樓春山冥雁飛去

万俟
雅言

少年遊

春風吹碧春雲映綠曉夢入芳茵軟襯飛花遠連流水
一望隔香塵萋萋多少江南恨翻憶翠羅裯冷落閒

門淒涼古道烟雨正愁人

高竹
屋

全芳備祖後集卷十

欽定四庫全書

全芳備祖後集卷十一

宋 陳景沂 撰

卉部

芝

事實祖

碎錄

芝瑞草也一名菌一名芝

爾雅

芝生於土土氣和故芝草

生

論衡

瑞命紀曰王者仁德則芝草生黑為玄黃為喜

茵芝如樓 五德芝如車馬

酉陽雜俎

紀要

四皓避秦隱居商山採芝而歌曰漠漠高山深谷迤邐
曄曄紫芝可以療飢唐虞世遠吾將何歸駟馬高車其
憂甚大富貴之留人不如貧賤之肆志乃共入商山隱
于地肺山秦滅漢高祖召之不至深入終南山

史記漢宣

帝元年詔金芝九莖產于函德殿銅池中明帝永平間
芝草生殿前漢武帝甘泉宮生芝草九莖連葉乃作芝

房之歌以薦郊廟 漢章帝朝零陵獻芝草 唐太宗

貞觀中天子寢室中產芝十四莖並為龍翔鳳翥之形

玄宗天寶中有玉芝產於大同殿柱礎一本兩莖神

光照于殿 肅宗上元中延英殿御座生玉芝一莖三

花御製玉靈芝詩 天寶初臨川郡人李嘉嗣所居柱

上生芝草形類天尊太守張景儉截柱獻之

以上並本紀

伊

祁元為上種于殿前一日生雙芝色褐一莖兩穗如鱗

頭尾悉具其中有子如琴瑟

杜陽編

唐安祿山擊契丹還

奏河北郡芝生于梁

史

韓思遷滁州守有黃芝生於州

署民為刻頌其瑞

史

景佑四年有芝生于化成殿柱御

製瑞芝詩儒者並獻賦韓琦言願陛下特以災異為重

至于珍符奇瑞雖仁愛所感亦望日謹一日以雖休勿

休為念

長編

東坡月夜夢遊何人家開堂西門有小園古

井井上皆蒼石石上有紫藤如龍蛇枝葉如赤箭主人

言此石芝也余率爾折食一枝眾皆驚笑其味如雞蘇

而甘明日作詩

本序

子瞻詩所記胡送土玉芝一名瓊田

草俗號其葉云唐婆鏡本草云鬼白也歲生一白如黃

精之堅瘦可以辟穀

山谷詩序

雜著

濯靈芝于朱柯

西京賦

玉芝含秀而晨敷

天臺賦

車蓋之狀

煌煌靈芝一年三秀

同上

赤箭青芝

韓文

鳳凰芝草賢愚皆知

為美瑞使受天澤餘潤雖朽枿敗腐不能生植猶然

蒸出芝菌以為祥瑞

柳文

齊方產草九莖連葉官童效異

披圖按牒元氣之精回復此都蔓蔓日茂芝成靈草

禮樂

志

王欽若曰今歲豐百物繁衍公私所慶雖有靈芝卿

雲醴泉不足以濟物不若豐年之為瑞也

本傳

晉陵邵君

叶為新昌宰視事之三日靈芝五色十二生于便坐之

室吏民來觀無不動色相與言曰吾令君殆將有嘉政

以福我民乎山川鬼神其共知之矣不然此不時而秀

不根而成非人力所能致而自至者何也乃相與闢其

室四達為亭命曰瑞芝奔走来謁寄於豫章黃庭堅黃

庭堅曰予觀神農本草經青芝生泰山赤芝生衡山黃

芝生嵩山白芝生華山黑芝生常山皆久食而輕身延年而不老蓋序列養生之草不言瑞世之符又其傳五芝者赤者如珊瑚白者如截肪黑者如澤漆青者如翠羽黃者如紫金皆光明洞澈如堅冰而世之所名芝草不能若是也故嘗攷信于書自先秦之世未有稱述芝草者及漢孝武飫厭四海之富求致神仙不死天下騷然元封中乃有紫芝九莖連葉生甘泉殿齋房中于是教天下作芝房之歌孝宣興于民間勵精萬事事無過

舉然廟享數有美頌頗甘心焉故復修孝武郊祀以瑞
紀年元康中金芝九莖又產函德殿銅池中然此芝不
生于五嶽果神農所謂芝者耶予又竊怪漢世既知尚
芝草而兩漢循吏之傳未有聞焉何也豈其所居民得
其職所去民思其功生則羽儀于朝歿則烝嘗于社耶
是則民之鳳凰麒麟醴泉芝草也耶抑使民田畝有禾
黍則不必芝草生戶庭使民伏臘有雞豚則不必麟鳳
在郊極點吏不歸文則不必虎北渡河里胥不騷擾則

不必蝗不入境此其見效優於空文也耶又嘗試論之
古之傳者曰上世盖有屈軼指佞蕙蒲扇庖羹英紀歷
嶰竹生律既不經見後世亦不聞有之則前世之有芝
草特未定也邵君家世儒者又能好修求自列于循吏
之科故即其氣焰而取之異草來瑞使因是而發政于
民勤恤而無倦民得盡力于田士得盡心于學則非常
之物不虛其應且必受賜金增秩之賞用儒術顯于朝
廷矣豈獨誇耀下邑而已乎故書予所論使歸刻之

山谷

賦詠祖

五言散句

靈芝望三秀

選

芝葉正玲瓏

庾肩吾

靈芝冠衆芳

杜

黃金九葉發紫蓋六英通

肩吾

吾慕漢初老時清猶茹芝

杜

柯同庭橘勁色近御衣深

王岐公

一榮不復枯五色異衆芳

聖俞

四明開奧壤三秀發靈芝

夏英公

菌蠢朝承露熒煌夜吐霓

江山翰

齋房輝玉笋岱檢雜金泥

不須許斧子辛勤米五芝

山谷

七言散句

枯朽猶能出菌芝

東坡

靈根盤錯呈天瑞寶葉蟬聯表地仙

李紳

穆穆眸容分喜色煌煌寶座秀靈芝

夏英公

可憐九轉功成後却把飛昇乞肉芝

歐

肉芝烹熟石芝老笑嗤熊掌噲雕胡

東坡

丹頂一丸深自秘紫芝三秀却先知

潁濱

不用採芝驚世俗恐人謗道是神仙

放翁

五言律詩

明王登孝感寶殿秀靈芝色帶朝陽淨光涵宿露滋且

標宣德重更引國恩施聖祚今無限微臣樂采歸

錢起

七言古詩

空堂明月清且新，幽人睡息來初勻。
了然非夢亦非覺，有人夜扣祁孔賓。
披衣相從到何許，朱欄碧井開瓊戶。
忽驚石上堆龍蛇，玉莖紫筍生無數。
鏘然敲折青珊瑚，味如蜜藕和雞蘇。
主人相顧一撫掌，滿堂坐客皆盧胡。
亦知洞府嘲輕脫，終勝稽康羨王烈。
神山一合五百年，風吹石髓堅如鐵。

東坡

卓仙在時養瓊芝，深根固蒂活人命。
憧憧往問此何草，但告渠是唐婆鏡。

山谷

七言八句

廟錫珍符豈偶然雲華再見幾經年祥開二室昭貽燕
根托同楹自屬聯上瑞應誠能格聖宸衷思孝益增虔
微臣願測皇天意不厭終童效異篇

張于湖
二首

煌煌瑞彩映金鋪元氣回旋即此都太史連年書盛事
近臣更日獻新圖璇穹薦社寧虛應玉葉流芳已兆符
早晚清塵款原廟臨觀敢請駐前驅

豈如玉殿生三秀詎有銅池出五雲陌上堯樽傾北斗

樓前舜樂動南薰

錢起

樂府祖

點絳脣

高柳蕭蕭睡餘已覺西風勁小窻人靜淅瀝生秋聽

底事多情欲與流年競殘雲暝墜巾幘整小立芝蘭徑

葉石林

虞美人草

事實祖

碑錄

雅州名山縣出虞美人草花葉兩兩相對人或近之即
向人而俯如為唱虞美人曲則此草應拍而舞他曲則

否

草木記

紀要

漢王園垓下羽歌曰力拔山兮氣蓋世時不利兮騅不
逝騅不逝兮可奈何虞兮虞兮奈若何左右皆泣

史

賦詠祖

五言古詩

夜闌浩歌起玉帳生悲風江東可千里棄妾蓬蒿中化
石那解語作草猶可舞陌上望騅來翻然不相顧

五言八句

幽草默通神舊題虞美人長言方度曲應節若翻身律
呂聲相召雲龍氣自親無情猶感會不獨在君臣

陳后山

七言古詩

鴻門玉斗粉如雪十萬降兵夜流血咸陽宮殿三月紅

霸業已隨烟燼滅，剛強必死仁義王。陰陵失路非天亡，
英雄本學萬人敵。何用屑屑悲紅妝，三軍敵盡旌旗倒。
玉帳佳人坐中老，香魂夜逐劍光飛。青血化為原上草，
芳心寂寞寄寒枝。舊曲聞來似斂眉，哀怨徘徊愁不語。
恰如初聽楚歌時，滔滔逝水流今古。漢楚興亡兩丘土，
當年遺事久成空。慷慨尊前為誰舞，曾筆

君恩如海海不深，妾義如鐵利斷金。舍生取義我所欲，
忍死織室羞同心。春姿忽作秋蓮姿，一寸剛明曾不死。

明年原上野花繁一枝自托華風起裊裊娉娉不成艷
能度淺深生色染向人欲訴却無言寂寞千年悞誰掩
芳郊遊女宛轉歌停春拍手看婆婆

僧北
潤

七言絕句

魯公死後一杯荒誰與竿頭薦一觴妾願得生墳土上

日翻舞袖向君王

蕭子
岩

霸業將衰漢業興佳人玉帳醉難醒可憐血染原頭草

直至如今舞不停

易幼
學

合歡枝葉想腰身不共長安草木春若聽楚歌能楚舞

未央空有戚夫人

許野雪

樂府祖

虞美人

歌唇乍啓塵飛處翠葉輕輕舉似呈舞態逞嬌容嫩條
纖麗玉玲瓏怯秋風虞姬珠翠兵戈裏莫認埋魂地
只因遺恨寄芳叢露和清淚濕輕紅古今同

當年得意如芳草日日春風好拔山力盡忽悲歌飲罷

虞兮從此奈若何 人間不識精誠苦貪看青青舞鶴

然斂衽却無音怕是曲中猶帶楚歌聲

辛稼軒

帳前草草軍情變月下旌旗亂褫衣推枕惜離情遠風
吹下楚歌聲月三更 撫鞍欲上重相顧艷態花無主
手中蓮鐲凜秋霜九泉歸路是仙鄉恨茫茫

浪淘沙

不肯過江東玉帳匆匆至今草木憶英雄唱著虞兮當
日曲便舞春風 兒女此情同往事朦朧湘娥竹上淚

痕濃舜目重瞳堪最恨羽亦重瞳

辛稼軒

菖蒲

事實祖

碎錄

菖蒲一名菖歎

說文

其根盤屈有節狀如馬鞭一根旁引

三四根九節佳亦有一寸十二節者一名昌陽

本草

以反

石器種之屢易水則茂水濁則萎

本草

羅浮山中一寸十

二節

山記

又名堯薤烏髭

呂氏春秋

菖蒲放花人食之長年

風俗

通

紀要

堯時天降菁于庭為薤感陰氣為菖蒲焉

典

文王好食

菖本薤

說苑

天王使周公問聘饗有菖歎

左

漢武帝上嵩

山忽見有仙人長二丈耳垂肩帝禮而問之仙人曰吾

九疑山中也聞中嶽山中有菖蒲一寸九節食之可

以長生故來採之忽然不見帝謂侍臣曰彼非欲服食

以此喻朕耳

神仙傳

番禺東有澗澗中生菖蒲皆一寸九

節安期生採服仙去

草木狀

韓眾服菖蒲十三年身上生

毛日視書萬言皆誦之冬袒不寒

抱朴子

王興採菖蒲食

之長生

神仙傳

王徽之以菖蒲映竹曰菖蒲以九節為貴

而此君面目偉然菖蒲正當再拜此君而此君安得不

受耶

高氏春秋

太祖后張氏見庭前菖蒲生花即生梁高祖

梁記

菖蒲紅者芳氣酷烈世言有花無人見見者必大富

貴趙隱之母傅氏曾于山澗中見花大如車輪子有神

人守護隱之勿洩享富貴年九十四忽向子孫說之得

疾而終

物類相感志

僧普寂好菖蒲種成獅子鸞鳳仙人之

狀

微言

成都營妓薛濤元微之使蜀屢陪燕笑元後寄詩

云別後相思隔烟水菖蒲花發五雲高

牧豎開談

雜著

其輕身延年之功既非昌陽之所能及至于忍寒苦安

淡泊與清泉白石為伍不待泥土而生者亦豈昌陽之

所能彷彿哉

東坡集

寒溪之濱沙石之竇產此靈苗蔚然

而秀有美君子採持而歸文石相并涵蓄清漪根盤九

節霜雪不槁置之幽齋永以為好

參寥頌

賦詠祖

五言散句

石上生菖蒲

選

新蒲含紫茸

謝連惠

碧節吐寒蒲

杜甫

菖蒲花紫茸

李白

蕭然一寸碧卓爾四時青

白氏集

有草應羞死無花敢鬪香

靈根九節瘦不改四時香

薄寒得菖蒲猶勝竟日無

聖俞

根盤龍骨瘦葉偃虎鬚長

姚岩

七言散句

埽除白髮菖蒲力

東坡

九節菖蒲石上仙

爛斑碎石養菖蒲
一勺清泉滿石盂

人說花開難際遇
天將壽考報勤劬

莫道幽人無一事
汲泉承露養菖蒲

魯文

五言古詩

神人多古貌雙耳下垂肩嵩嶽逢漢武云是九疑仙我
來採菖蒲服食可長年言終忽不見滅影入雲煙喻帝
竟莫悟終歸茂陵田

李白

自我來關輔南山得再遊山中亦何有草木媚深幽菖
蒲人不識生此亂石溝山高霜雪苦黃葉不得抽下有
千歲根蹙縮如盤虬長有鬼神守德薄安敢偷

東坡

五言八句

岳麓溪毛秀湘濱玉水香靈苗憐勁直達節著芬芳豈
謂盤盂小而忘臭味長拳山并勺水所至未能量

姜白石

七言古詩

石上生菖蒲一寸十二節仙人勸我食令我頭青面如
雪逢君寄君一絳囊書中不得傳此方君能來作棲霞

侶與君同入丹邱鄉

張文昌

七言八句

春萸秋英兩須臾神藥人間果有無無鼻何由識蒼葛

金史四庫全書
卷十一
有花今始信菖蒲芳心未飽兩蛺蝶寒意知鳴幾蟋蟀
記取明年十二節小兒休更簫霜鬚

東坡

七言絕句

碧玉梳盛紅碼碯青盤水養石菖蒲也知法供無窮盡

試問禪師得飽無

東坡

閒行澗底採菖蒲千歲龍蛇抱石臞明朝却覓房州路

飛下山巔不用扶

陳簡齋

窻明几淨室虛虛盡道幽人一事無莫道幽人無一事

汲泉承露養菖蒲

曾茶山

君家蘭杜久萋萋，近養菖蒲綠未齊。
乞與幽人伴岑寂，

小窻風露日昏迷。

朱文公
三首

泉清石秀碧纖長，秋露懸珠炯夜光。
箇裏一無閒造化，

別來誰與共平章。

翠羽紛披一尺長，帶烟和雨過書堂。
知君別有矚仙種，

容易催教出洞房。


一掬寒泉塊石頭，兩三莖葉弄輕柔。
夢回一霎龍湫雨，

五月軒窗也帶秋

瓦盤猶帶澗聲寒亦有詩情几研間抱石小龍鱗甲老

夜窻雲氣故斑斑

方秋
崖



全芳備祖後集卷十一

欽定四庫全書

子部

全芳備祖後集卷十二

詳校官中書

臣竇汝翼

主事

臣祁韻士覆勘

總校官庶吉士

臣朱

鈐

校對官助教

臣

卜維吉

謄錄監生

臣

陸潮愈

欽定四庫全書

全芳備祖後集卷十二

宋 陳景沂 撰

草部

苔蘚

事實祖

碎錄

苔衣注云水苔也一名石髮江東人多食之

爾雅

澤葵即

莓苔

鮑昭注

在屋曰昔邪在垣曰垣衣

廣雅

苔水衣也

說文

石

疑水衣青綠色皆生于石

風土記

窮谷之汚生青苔

淮南子

海藻一名海苔

南粵志

空谷無人行則或生青者紫者一

名綠錢一名綠苔一名員蘚

古今志

紀要

陳王初喪應劉端憂多暇綠苔生閣芳塵凝榭張華進

博物志武帝嫌煩令削之賜側理紙王子年云側理陟

釐也此紙以水苔為之漢人語說謂之側理耳

晉書宋玉

微乃太保弘之弟也吏部尚書江湛愛其才舉為吏部

郎因病不受與湛書告絕足不踰戶十餘年栖遲一室

苔草沒堦

南史本傳

雜著

鑿山楹為室有老苔焉

江淹

綠苔鬚髯乎研上松枯交陰

泉雨常至

江淹

踐莓苔之滑石

孫綽

賦詠祖

五言散句

青苔日夜黃

江淹

新苔侵履濕

韋應物

江露點蒼苔

李

蒼苔緣竹徑

劉長卿

苔錢似錦萍

杜

蟲書玉佩蘚

苔蘚山門古

歸休步紫苔

苔徑臨江竹

苔移玉座春

玉殿莓苔青

隨意坐莓苔

青青染馬蹄

王建

苔斑錢剝落

樂天

饑鶴啄莓苔

東坡

隨潮染崖石
逐派聚浮槎

庾肩吾

微根知欲斷輕絲似更聯

沈約

紅藥當堦翻蒼苔依砌上

謝玄暉

苔痕上階綠草色入簾青

禹錫

濕翠連澗陰淨綠繞巖穴

聖俞

繞繞水仙髮茸茸蛟客髯

空山正幽靄淨綠無人掃

棋聲敲月重屐齒印苔深

王維

綠髮莓苔地紅衣茁苔天

炊煙逗疎藹樵徑入蒼苔

苔侵垂磴蔓竹隱斷巖花

寒蟲啼暗壁敗葉落蒼苔

鄭解

蘚色通行徑松陰叩隱關

范醇夫

綠嫌新笋破紅愛落花粧

張太祝

七言散句

階面青苔先自生

杜甫

石田茅屋荒蒼苔

苔蘚蝕破波濤痕

剡苔剔蘚露節角

公文

古甃缺落生陰苔

東坡

空餘石髮挂魚衣

路旁凡草榮遭遇曾得七香車輶來

樂天

共愛碧溪臨水住相思來往踐莓苔

劉商

憑仗幽人收艾蒻國香和露入莓苔

東坡

倘欲濟貧無少補若教買靜有深功

白氏集

不產豪門嫌繼富每生窮巷似憂貧

直疑漢室都中朽却訝唐家地上流

柴門雖設不曾開為怕人行損綠苔

蘇舜欽

門掩蒼苔柳半遮春深庭院日初斜

李師中

幽人去後無猿鶴冷落亭臺濕蘚封

北碕

詩人只道窮難送也有清流地上錢

夏草窻

五言古詩

豪家如可用窮巷即應無閒共僧贏得卑嫌俗繞紆山

疑和雨買地似帶煙租

魏野
二首

貪多寧損志嫌少不為愚
良治何由鑄常流豈敢圖
野人惟自愛難把悅妻孥

萍

蘋附

事實祖

碎錄

此有三種大者曰蘋中者曰荇菜即鳧葵也小者曰浮

萍江東謂之藻

本

草于以米蘋于以米藻

注

沈曰蘋浮曰

藻毛詩萍氏掌國之水禁注萍之草無根而浮禮周苟有明

信澗溪沼沚之毛蘋蘩藎藻之菜可羞于王公左傳柳絮

落水三日為浮萍東坡詩注荇黃花色如蓴可用為祭祀之

俎顏氏家訓

紀要

楚昭王渡江得一物色赤以問孔子孔子曰此萍實也

可剖而食之吾昔過陳聞童謠云楚王渡江得萍實大

如斗赤如日剖而食之甜如蜜家語湖州有白蘋洲在茗

溪東南一里乃越女采蘋處梁時柳惲為吳興守賦詩

因以得名

吳興志

浮光多美鴨太原少尹樊千里買百隻

畜後池載數車浮萍入池中使為鴨作茵褥

雲林異景志

雜著

俯觀萬狀擾擾焉如江漢之載萍

劉伶

自此如萍隨水浮

遊

闕

萍實時出而漂泳

王逸

秋風起于青萍之末

宋玉

蘋以

春生蘭以秋芳

陸機

蘋荇荷花組秀一州蘋之為用風有

季女之慕騷有放臣之望

李直方

蘋葉圓而小萍葉始生

俗呼為水照以其類鑑也其花五出黃細而香盛于中

夏無飄零

晏元獻

賦詠祖

五言散句

微馨借渚萍

杜甫

乾坤水上萍

旅泛一浮萍

萍泛無休日

風約半池萍

魚開萍葉過

風起青萍末

寒魚依密藻

野棹汎青萍

弱藻舒翠縷

翻藻白魚跳

萍蓋汙池靜

韓愈

汎汎水中萍

張籍

風水悲流萍

李嶠

青萍含翠轉紫葉帶波流

李嶠

風飄千點紫水約半奩青

暖老須燕玉充饑憶楚萍

杜甫

汎汎江漢萍飄蕩水無根

司馬彪

汀洲採白蘋日晚江南春

柳惲

東風千嶺樹西日一洲蘋

許渾

春風故人夜又醉白蘋洲

張祐

問家何所有且事如浮萍

李白

七言散句

處處清江帶白蘋

東坡

風水春來洞庭濶白蘋愁殺白頭翁

杜甫

客路浮生兩如寄萬重渡裏一浮萍

劉貢父

沅湘寂寂春歸盡水綠蘋香人自愁

李羣玉

泥新烏棟初巢燕萍匝荒池已集蜻

秦少游

五言古詩

溪光照秋房娟然卧流萍水仙弄幽姿寄余汀洲情

懷玉色子弄波濯塵纓夜寒乃佳意屬此冷然清

毛東堂

風飄作青紫浪起時疎密本欲嘆無根還驚能有實

庾肩

吾

五言絕句

逐水應無定因風不自由只緣根底薄飄蕩幾時休

春池深且廣會待輕舟回靡靡綠萍合垂楊掃不開

裴迪

搖蕩越江春相將采白蘋歸時不覺夜出浦月隨人

張仲素

素

雨牆蒼蘚合烟渚碧紋通賦閣并塵掩詩堦伴藥紅

宋景

文

泥滓根萌淺風波性質輕晚來堆岬曲猶得護蛙鳴

李迪

五言八句

可憐池裏萍盆蘊紫復青能隨浪開合且逐水低平微

根無所托細葉詎須莖飄蕩終難測流連如有情

吳均

七言絕句

春紅秋紫繞池臺个个圓如濟世財雨後無端滿窮巷

買花不得買愁來

鄭谷

春草秋風老此身一瓢長醉任家貧醒來只愛浮萍草

飄寄官河不屬人

劉商

曉來風約半池明重疊侵沙綠罽成不用臨池重相笑

最無根蒂是浮名

嫩似金枝颺似烟多情渾欲擁紅蓮明朝擬附南風棹

寄與湘妃作翠鈿

皮日休

十載芳洲采白蘋移舟弄水賣青春當時自倚東風力
不信東風解誤人

盆池本不種青萍春杪無根也自生人道一宵生九葉

不知誰數得分明

僧可齋

白髮已侵殘夢境綠苔應憶舊漁磯桃源雞犬塵凡隔

韋曲桑麻念想歸

山谷

七言八句

斑斑染黛色差勻個個微圓類綠萍不比榆錢鋪砌白
未饒荷葉點溪青陶鎔盡出春工巧磨就多應雨夜零
好與詩人買風月何妨積貯滿空庭

趙循道

荇

事實祖

碎錄

荇接余也根生水底葉浮水上

爾雅

雜著

蘋荇荷花組繡一川

李華

賦詠祖

五言散句

魚戲亂水荇

謝元暉

無疑菱荇香

張載

水荇葉連香

彼微水中荇尚煩左右芼

韓愈

七言散句

水荇牽風翠帶長

杜甫

渚蒲牙白水荇青

五言古詩

荇葉光于水釣牽入遠汀
淺黃雙蛺蝶五色小蜻蜓
老

死懷江女飄浮笑楚萍

聖俞

因風離甚處隨浪此中過
不定猶如此孤根還若何
未

聞流水盡更見落花多

陳希夷

菰

事實祖

碎錄

菰蔣草也

廣韻說文

菰其實蔣菰其米謂之凋胡

廣雅

菰生水

中葉如蒲葦刈以飼馬甚肥又謂之茭白其歲久者中

心生白肉如小兒臂謂之菰米其中有黑者謂之菰鬱

其根如蘆根下澤處謂之菰葑以去葉便可食蔣其苗

有根梗者謂之菰蔣草至秋結實乃凋胡米也

本草

雲子

菰米飯也

杜詩注

可以為席去濕

紀要

孔子之楚舍于蟻丘之蔣

莊子

主人之妻為臣炊凋胡之

飯露葵之羹

宋玉

菰穗凋胡菰子作餅

吳都賦注

賦詠祖

五言散句

凋胡方自炊

沈約

願作冷秋菰

杜甫

鄖國稻苗秀楚人菰葉肥

王維

春菰牙露翠水荇葉連青

張載

朱李沈不冷凋胡炊屢新

杜少陵

滑憶凋胡飯香聞錦帶羹

翠牙穿衰蔣碧節吐寒蒲

稻花香滿路菰葉亂蒼洲

賈秋壑

七言散句

溪毛入饌光浮椀雲子新炊滑溜匙

汪彥章

霜後木奴香喫手秋來雲子滑流匙

洪駒父

五言古詩

結根布洲渚垂葉滿臯澤匹彼露葵羹可以留上客

沈休

文

七言絕句

短短菰蒲綠未齊汀洲水暖雁行低柳陰小艇無人管

自送流花下別溪

東萊

蒲

事實祖

碎錄

蒲似藿可以為席

說文

彼澤之陂有蒲與菅 魚在在藻

依于其蒲

並詩

紀要

齊侯之荏蒲舟鮫守之不與民共

左傳

臧文仲妾織蒲

禮記

鄭太叔政寬鄭國多盜取人于荏蒲之澤遂興徒兵以

攻荏蒲之盜盡殺之

左傳

秦時一湖有九十臺皆生結蒲

乃云始皇遊此臺結蒲繫馬自是生蒲皆結

續記

趙高獻

蒲以為脯以惑二世有言蒲者誅之

史記

漢帝以蒲裹車

輪迎申公

史

路溫舒字長君巨鹿東里人父為里監門

使牧羊溫取澤中蒲截以為牒編用寫書稍習善求為

獄小吏因學律令轉獄吏縣中疑事皆取決焉

本傳

劉賓

宣帝時遷臨淮太守用蒲鞭罰吏

漢書

顧悅對簡文帝蒲柳

之質望秋先零

史

苻洪家生蒲長五丈許其節如竹咸

異之由此姓蒲氏後以識文改姓苻氏

晉載記

河東常醜

奴將一小兒于河邊拔蒲暮宿于田舍中見一少女姿

容甚美乘小舟投醜奴舍寄宿因卧覺有臊氣女已知

人意求出戶變為懶去

幽冥錄

雜著

抽蒲兮陳坐

楚詞

賦詠祖

五言散句

蒲葉何離離

選

春蒲長雪消

杜甫

水長減蒲芽

沙草出小蒲

風斷香蒲節

渚蒲隨地有

蒲荒八月天

暮齒倚蒲柳

為書聊可截匹柳復宜春

梁元帝

我有一池水蒲葦生其間

韓愈

蒲深鵝鵝戲花暖鷓鴣眠

許渾

岸樹綠已合渚蒲長且疎

劉貢父

水綠菰蒲老山青橘柚紅

夏竦

七言散句

細柳新蒲為誰綠

杜甫

渚蒲芽白水荇青

渚蒲抽芽劍脊動

沮洳沙泉薤葉鋪

韻濱

風蒲獵獵弄輕香

僧道潛

旋抽烟劍碧參差何時織得孤帆去

龜蒙

紙窻竹屋深自暖擁褐坐睡依團蒲

東坡

渺渺塘陰下鷗鷺蕭蕭秋意滿孤蒲

張文潛

屬玉雙飛水滿塘孤蒲深處浴鴛鴦

蘇養直

五言絕句

青青水中蒲，下有一雙魚。君今上隴去，我在誰與居。

韓愈

青青水中蒲，長在水中居。寄語浮萍草，相隨我不如。

青青水中蒲，葉短不出水。婦人不下堂，行子在萬里。

五言古詩

魯國寒事早，初霜刈渚蒲。揮鐮君轉月，拂水生連珠。此草影可珍，何必貴龍鬚。織作玉牀席，欣承清夜娛。羅衣

能再拂，不畏素塵無。

李白

離離水上蒲結水散為珠初萌實凋俎暮蒞雜椒塗所

嗟堂上曲遂鑠黃金軀

謝眺

蒲葉淺清水杏花和暖風地偏緣底綠人老為誰紅

李白

七言古詩

圓蒲相將結僧履荷葉蒲茸綠相亞浮花浪葉自飄零
小院迴廊正瀟灑葉如青幄花成茵細腰起舞來送春
紙光如銀墨如漆落筆四座驚有神輕衫短帽付餘子

花前醉倒輸閒人

徐竹陰

蘆

事實祖

碎錄

一名蒹蘆荻也

說文

蒹葭蘆葦也

爾雅

荻葦亂為荻葭為葦

詩注

紀要

季夏之月命澤人納材葦

月令

誰謂河廣一葦杭之

詩經

魏

明帝使后弟毛曾與夏侯女共坐時人謂之蒹葭倚玉

樹

本紀

袁叔諷董偃獻荻為籍田曰此上之所欲也

漢書

吳

有姚光者善火術吳主試之積荻千束光坐其上及燔

盡光于灰中振衣而起

抱朴子

盧龍將攻京師有謠曰十

丈瓦蘆作柱薤為欄杆童謠曰官家養蘆化成荻蘆生

不止自成精是時蘆竊據廣州朝廷未能討之因而用

之荻猶敵也是官養為蘆荻也

微祥記

郭璞奏云不宜焚

荻地理云名山大澤不封蓋欲與民同利也

本傳

宋帝詔

前歲少府所封諸洲可開以利民

宋書

李全忠有蘆生室

中一尺三節問張建建曰蘆葦類生千澤分茅土兆也

傳節者其三世乎

唐書

賦詠祖

五言散句

渚秀蘆筍綠

杜甫

香飯蕪苞蘆

泥筍苞初荻

亭古帶蕪葭

北風吹蕪葭

雁響蕪葭滿

張舜崖

翠莢玉地前遙映江南蓮

梁元帝

靜處宜紅蓼閒樓見白鷗

親野

臨砌復臨流栽時尚未周

葉嫩藏修節苞遺出紺膚

曼卿

旁迷綠蟲挂近識羣禽呼

啁雀裊寒枝宿螢依敗葉

溫公

勿以比蕪葭蒼蒼瘁白露

原父

北雁為南客銜之以避繳

宋景文

七言散句

猿聲幾夜宿蘆洲

皎然

菰蘆何處有奇材

景文

蕪葭淅瀝含秋露橘袖玲瓏透夕陽

柳

要待九秋風雨後冷梢寒葉作蕭蕭

洪平齋

兩岸早霜紅橘袖滿汀殘雨老蕪葭

夏英公

可惜年年明月夜漁家只作等閑看

張遜初

只揀有芳多處宿愛眠蓬底作秋聲

曹竹溪

五言古詩

蘆笋初似竹稍開葉如蒲方春節抱甲漸老根生鬚不
愛當夏綠愛此及秋枯黃葉倒風雨白花搖江湖江湖
不可到移植苦勤劬安得雙野鴨與蘆成畫圖

東坡

五言絕句

高臺面蒼波六月風日冷蕪葭離披去天水相與永

杜甫

蕭蕭江上葦夏生叢已深清風日夕遇白露晴見臨

原父

故移蘆葦叢粗慰江湖趣翠華侵几席疎影入窻戶

瘦碧兩三莖蕭蕭雨又晴江湖未歸客不忍聽秋聲

石舍

人

五言八句

風雨蕭蕭夕春寒燈較昏茅簷數椽屋荻浦幾家村網
到江鱗活沽來市酒渾焙衾共結局一覺眇乾坤

陳肥
遜

七言絕句

裊娜修莖青玉攢鳬翁睡罷翠痕乾湘君直寄江湖樂

要作風汀雨瀨看

宋景
文

溶溶晴港漾春暉蘆笋生時柳絮飛還有江南風物否

金剛四庫卷十二
桃華流水鯢魚肥

東坡

卷十二

雨折霜乾不奈秋
白花黃葉使人愁
月明小艇湖邊雁
便是江南鸚鵡洲

七言八句

鑿地栽蘆貯碧流
臨軒一望似汀洲
葱蘢好映淮南樹
疎雨偏宜海上鷗
歷歷迎風歌枕曉
蕭蕭和雨捲簾秋
君看范蠡功成後
不道烟波無去舟

張祐

江客因貧識荻芽
一清塵退雜魚蝦
燒米味挾濠邊雨

掘得身離雁外沙春饌且供行釜菜秋江莫管釣船花
食根思到蕭騷葉痛感邊聲咽戍笳

蕭大
山

樂府祖

齊天樂

孤蓬依傍低叢蕭蕭雨聲悲切一岸霜痕半江烟色愁
到沙頭枯葉淡雲城黯淡西風吹老滿汀新雪天豈無
情離筵默默送歸客歸去來兮怎得儘鷺翹鷗倚乍
寒時節秋晚山川夕陽浦溆羸得別腸千折濤翻浪疊

那時似西來一筇橫絕搔首江南雁銜千里月

方秋崕
和楚客

賦
蘆

全芳備祖後集卷十二

中一尺三節問張建建曰蘆葦類生千澤分茅土兆也

傳節者其三世乎

唐書

賦詠祖

五言散句

渚秀蘆筍綠

杜甫

香飯蕪苞蘆

泥筍苞初荻

亭古帶蕪葭

北風吹蕪葭

雁響蕪葭滿

張華
產

翠茨玉地前遙映江南蓮

梁元
帝

靜處宜紅蓼間樓見白鷗

野魏

臨砌復臨流栽時尚未周

葉嫩藏修節芭遺出紺膚

曼卿

旁迷綠蟲挂近識翠禽呼

啁雀裊寒枝宿螢依敗葉

溫公

勿以比蕪葭蒼蒼瘁白露

原父

北雁為南客銜之以避繳

宋景文

七言散句

猿聲幾夜宿蘆洲

然、故

菰蘆何處有奇材

景文

蕪葭淅瀝含秋露橘袖玲瓏透夕陽

柳

要待九秋風雨後冷梢寒葉作蕭蕭

洪平齋

兩岸早霜紅橘袖滿汀殘雨老蕪葭

夏英公

可惜年年明月夜漁家只作等閑看

張遜初

只揀有芳多處宿愛眠蓬底作秋聲

曹竹溪

五言古詩

蘆笋初似竹稍開葉如蒲方春節抱甲漸老根生鬚不
愛當夏綠愛此及秋枯黃葉倒風雨白花搖江湖江湖
不可到移植苦勤劬安得雙野鴨與蘆成畫圖

東坡

五言絕句

高臺面蒼波六月風日冷蒹葭離披去天水相與永

杜甫

蕭蕭江上葦夏生叢已深清風日夕遇白露晴見臨

原父

故移蘆葦叢粗慰江湖趣翠華侵几席疎影入窻戶

石舍

缺 页

七言散句

芭蕉一枕西風雨

荆公

更展芭蕉夏學書

山谷

一緘書札藏何事先被東風暗折開

白氏集

生涯自笑惟書在旋種芭蕉聽雨聲

張愈

綠章封事緘初啓青鳳求凰尾四開

錢希白

自是秋懷易寥寂強將離緒怨芭蕉

北礪

不追松柏凌霜操却聽芭蕉送雨聲

從教心向愁邊碎移去芭蕉葉上聽

曹竹塘

芭蕉自作抽書樣不與行人寄短愁

趙野

五言古詩

紅英值窮節綠潤含珠光以茲正陽色窈窕凌清霜遠

物世所重放心人獨傷回暉眺林際槭槭無遺芳

柳子厚

植蕉低簷前雙叢對含雨葉間求丹心一日視百庭胸

中數寸赤不惜為君吐心盡腹亦空況復霜雪苦非無

後彫意柔脆不足禦

狄元規

芭蕉我所愛明潔而中虛禪房當靈根頗似人清臞

林雪

想

以此葉陰涼代彼青琅玕但恐本質脆不堪期歲寒

曾文

清

五言絕句

一種靈苗異天然體性虛葉如斜界紙心似倒抽書

夢斷添惆悵更長轉寂寥如何今夜雨只是滴芭蕉

呂居

仁

芭蕉植秋檻勿云憔悴姿與君障夏日羽扇寧復持

朱文

公

弱質不自持芳根為誰好雖微九秋幹丹心中自保

紅蕉

五言八句

幸有青絲用寧將衆草同心虛含夕露葉大怯秋風細
響安禪後濃陰坐夏中由來何所喻持以問支公

錢起

不枝唯葉茂無幹信中空所以免摧折為依君子風

宋景

文

雨彫翠蓋側風偃綵旗開脆經繒乍裂斜規扇欲裁
空山夜雨至滴滴復瀟瀟涼葉泛朝露苦心展夕飄

張右

史

七言古詩

芭蕉得雨便欣然終夜作聲清更妍細聲巧作蠅觸紙
大聲鏘若山落泉三點五點却可聽萬籟不生秋夕靜
芭蕉自喜人自愁西風收過雨即休

楊誠齋

七言絕句

水痕天影淡相宜
露坐秋涼乍快時
桐葉芭蕉最多事
曉昏風雨報人知

畢公叔

花外憐伊品物低
殷勤移向小窗西
無端風雨瀟瀟夜

却共梧桐開响齊

名賢集

瀟瀟洒洒復亭亭
一半風流一半清
不為暑留添午蔭

却來愁枕作秋聲

誠齋

骨相玲瓏倚小窗
花頭倒插紫荷香
繞身無數青羅扇
風不來時也不涼

世情易變如雲葉官事無窮類海潮退食北窗涼意滿

卧聽急雨打芭蕉

張南軒

秋風鳴玉雨疎疎嫩綠臨窗半卷舒似是相知慰牢落

朝來看寄一緘書

湘山居士

攪碎芳眠挾雨聲碧叢宜看不宜聽而今一任瀟瀟滴

華髮鰥翁一夜醒

劉後村

自是愁人愁不消非干雨裏聽芭蕉芭蕉易去愁難去

移向梧桐轉寂寥

方秋崖

炎蒸誰解喚清涼扇影搖搖上竹窻準擬小軒添睡美

夢成風雨夜翻江

曾雲莊

數葉芭蕉數葉秋燈長雨久不眠愁靈溪寺裏夜曾聽

又聽靈溪溪水流

方菊田

七言散聯

畢竟空心何所有歌傾大葉不勝肥蕭騷暮雨鳴山樂
狼籍秋霜脫敝衣堂上幽人觀幻久逢人知是此身非
樂府祖

添字醜奴兒

窻前誰種芭蕉樹陰滿中庭陰滿中庭葉葉心心舒卷
有餘青傷心枕上三更雨點滴霖霖點滴霖霖愁損
北人不慣起來聽

李易安

玉樓春

飛香漠漠簾帷暖一線水沈煙未斷紅樓西畔小闌干
盡日倚闌人已遠黃梅雨又芭蕉晚風尾翠搖雙葉
短舊年顏色舊年心留到如今春不管

仲殊

菩薩蠻

風流不把花為主，多情管定煙和雨。瀟灑綠衣長滿身，
如許涼。文箋舒卷處，似索題新句。莫倚小闌干，月明

生夜寒

張約齋

木棉

事實祖

碎錄

閩嶺江南多木棉，樹實如桐子。口有棉如蠶之綿，可以

作布

地理

賦詠祖

七言散句

江東賈客木棉裘

東坡

記取城南上巳日木棉花落刺桐開

東坡

幾樹半開紅似染居人云是木棉花

后村

七言古詩

粗花染春日晒紅細綿披夏雪輞風赤皇世界嶺皆熟

勅時微綿底痴絕

蕭大山

薜荔

事實祖

雜著

薜荔柏兮蕙綢

注

薜荔香草也柏博壁也綢縛束也

披薜荔兮帶女蘿

並楚辭

賦詠祖

五言散句

紅浸珊瑚短青垂薜荔長

杜甫

春色生烽燧幽人泣薜蘿

七言散句

山鬼水怪著薜荔

黃亞夫

五言古詩

薜荔垂枯萌何年負幽石
驕陽或侵凌土薄失潤澤
天風吹汝身枯葉久無色
前年直外省薜荔不盈尺
江梅凡幾時歸來忽滿壁
我齒密且疎我髮玄且白
此後何

足怪對之空嘆息

汪內翰

藤蘿

事實祖

碎錄

藟藤也

廣雅

江東呼藟為藤藤似葛粗大也

爾雅

南有樛木

葛藟累之

詩

女蘿松藤也兔絲也詩云葛藟與女蘿施于

松上

廣雅

在草曰兔絲在木曰松蘿

詩注

紫藤葉細長莖如

竹根極堅實重重有皮花白子黑置酒中久不腐敗其

莖截置煙炙中經時成紫者可以降神 榼藤依樹蔓

生如通草藤其子紫黑色一名象豆三年方熟其殼貯

藥不壞解諸藥毒生南海

南方草木狀

廣州山中生膏藤津

潤滑輒代以為船著地牽之如流

本州記

種藤附樹作根

樹即纏死且有惡汁尤令速朽藤盛成樹大者數圍又

云藤圍數寸可以為杖筏以縛船及為席勝于竹也

異物

志剡溪古藤甚多為紙工斬伐以造唐舒元興作悲剡

藤文

本集

賦詠祖

五言散句

藤枝刺眼新

杜甫

藤蔓曲藏蛇

倒松賴藤纏

高蘿垂飲猿

高蘿成幄帷

對門藤蓋反

庭中藤刺簷

通林帶女蘿

丘壑蔓寒藤

蔓衍傍松枝

王融

綠蘿結高林蒙籠蓋一山

文選

女蘿亦有托蔓葛亦有尋

陸士衡

與君為新昏兔絲附女蘿

文選

托根軒墀下如處松竹林

高木八九枝有藤縷絡之

韓愈

七言散句

幾歲生成為大木一朝纏死困長藤

白氏集

五言古詩

藤花紫蒙茸藤葉青扶蘇誰謂好顏色而為害有餘下

如蛇屈盤上如繩紫紆可憐中間木束縛成枯株柔蔓
不自勝娟娟挂空虛豈知纏木身千夫力不如先柔後
為害有似諛佞徒附著君權勢君迷不肯誅又如妖婦
人綢繆蠱其夫毫末不早辨滋蔓宜難圖願以藤為鑒

銘之於座隅

山白香

故鄉春欲盡一歲芳難再岩樹已青葱吾廬日堪愛幽

溪人未去芳草行應碍遙憶紫藤垂繁英照潭黛

李衛公

纖條寄喬木弱影掣風斜標春抽曉翠出霧露懸花

梁簡

帝文

引蔓出雲樹垂綸獲巢鶴幽人對酒時苔上閒花落

錢起

紫藤挂雲木花蔓宜陽春密葉隱歌鳥香風留美人

李

虺蔓相結盤虬梢護舊曲紛若未契繩繁如已綸紆

宋景

文

寒松偃澗濱弱蔓垂纓綠波縈翠帶長水濺低花馥

聖俞

五言八句

遙聞碧潭上春晚翠藤開水似晨霞抹林疑彩鳳來清

香凝島嶼繁艷映莓苔金谷如相並應將錦帳圍

李衡公

綠蘿縈數匝本在草堂間秋色寄高樹晝陰籠遠山移

花疎處種斲藥困時攀日暮微風起難尋舊徑還

許暉

葉繞千年蓋條依百尺枝屬與松風動時將薜影垂學
帶非難結為衣或易披山河若近遠獨自楚人知

七言古詩

魯人酒薄邯鄲圍西河渡橋南越悲歲調紅藤百萬計
此苦一作無窮時去年採藤藤已乏今年採藤藤轉竭

入山十日脫身歸新藤出土拳如蕨

唐子西

翠蓋陰森高隱鶴脩條屈曲暗藏蛇閒來兀坐莓苔石

時見山禽撲落花

僧船憲

藍

事實祖

碎錄

藍染草也

說文

仲夏之月令民毋刈藍以染

禮記

終朝采藍

不盈一襜

詩

青出於藍

荀子

紀要

楊震植藍以供母諸生嘗有助種者輒拔更種以拒其
後續漢書趙岐云予就醫偃師道經陳留北人皆以種藍

染紺為業藍田彌望黍稷不植慨其棄本遂末遂作此
賦曰同丘中之有麻似麥秀之漸漸

雜著

當如園圃之藍不異衆草染而後朗然不如棠棣之花
灼灼自顯

賦詠祖

五言八句

物有無窮好藍青又出青朱研方比德白受始成形袍
襲宜從政衮垂可問經當時不採擷佳色幾飄零

呂溫

茅

事實祖

碎錄

菅草也

說文

蘧牡茅

爾雅

一名蘧一名牡茅

疏

藉用白茅

易經

禹貢荊州包匭菁茅

尚書

匭匣也菁以為蒹茅以藉酒

注

王者建諸侯受之以土苴以白茅

左傳

王者建封諸侯三

脊之茅以為藉杜預云江淮之間一茅三脊乃靈物也

左傳

甸師祭祝供蕭茅

周禮

白華菅兮白茅束兮

白茅包

之晝爾于茅宵爾索綯

並詩

紀要

堯為天子土階三尺茅茨不剪

尹文子

殷湯救旱素車白

馬身嬰白茅以為犧牲

史記

武王伐殷微子啓肉袒面縛

牽羊握茅膝行而前

典錄

呂尚坐茅而漁

六韜

管仲說桓公

曰古之封禪江淮間一茅三脊所以為藉也

史記

僖公四

年齊侯以諸侯之師伐楚管仲曰爾貢包茅不入王祭不供無以縮酒寡人是徵昭王南征而不復寡人是問

左傳

雜著

蘭芷變而不芳兮荃蕙化而為茅

楚詞

賦詠祖

五言散句

荒郊蔓草茅

杜甫

茅堂石笋西

何時一茅屋送老白雲邊

七言散句

石田茅屋荒蒼苔

少陵

五言古詩

鷓鴣芳不歇霜繁綠更滋擢本同三春流芳有四時
麤根縮酒易結解舞蠶遲終當入楚貢豈羨詠陳詩

梁定襄侯

銅律與幽琴俱稱類君子豈惟江淮間發葉超衆美珍
同自牧歸茅因景征起豈獨邁秦衡方知蔑沅沚

梁簡文帝

蓬

事實祖

碎錄

彼茁者蓬 首如飛蓬

詩

蓬生麻中不扶自直白沙在

泥與之俱黑

家語

斥鴳翱翔乎蓬蒿之間

莊子

有百歲髑髏

塞蓬而指之

列子

桑弧蓬矢

禮記

今夫飛蓬飄風而行千里

乘風之勢也

商君書

見飛蓬轉而知飛車

淮南子

紀要

魯哀公失國走齊公問焉曰子之年甚少道至于此乎
吾少之時多愛我者吾體不親人多諫我者吾忘不能
用是內無弼外無輔弼無人諂諛甚衆譬之猶秋蓬
也孤其根本密其枝葉國語子貢作壞室編蓬戶彈琴瑟
其中以歌先王之風大傳張仲蔚平陵人也與同郡魏景
卿俱隱不仕所居蓬蒿至于沒人

三錄 絀

雜著

蓬艾親人銜子茅兮

楚詞

蔌蔌風威孤蓬自振

賦詠祖

五言散句

孤蓬轉霜根

杜甫

轉蓬憂悄悄

轉蓬行地遠

處處鄰家雨飄飄客子蓬

有喜留攀桂無勞問轉蓬

五言古詩

轉蓬離本根飄飄隨長風何意回飈舉吹我入雲中高
高上無極入路安可窮類此流宕子捐軀遠從戎毛褐

不掩形薇藿恒不充去去莫復道沈憂令人老

曹子建

百草應節生含氣有深淺秋蓬復何辜飄飄隨風轉

晉司

馬彪

遇坎聊知止逢風或未歸孤根何處斷輕葉強能飛

王元

功

莎

事實祖

碎錄

莎一名蒿一名侯莎一名香附子一名雀兒頭香生田

野間其根如棗核者謂之香附子

草木

賦詠祖

五言散句

綠滿巖扉外綿綿芳草英

種明逸

七言散句

老樹雨陰渾脫葉綠莎霜後半堆尖

秦敏

最憐官塚臨官道細細煙莎徧燒痕

張商英

流水涓涓落砌莎

白氏集

五言八句

何事牽憂思空庭對野莎青青衝楚步落日拄筇過色

與莓苔近陰藏蟋蟀多閑思舊山下蕭颯徧煙蘿

李白

七言絕句

桃蹊李徑有塵埃
初放青莎秀滿階
想見芊綿古城角
有人嗟我未歸來

宋景文



全芳備祖後集卷十三